

# АКАФИСТ СВЯТОМУ БЛАГОВЕРНОМУ ВЕЛИКОМУ КНЯЗЮ АЛЕКСАНДРУ НЕВСКОМУ

## Кондак 1

**Избранному** воеводе земли Россійския, / светлomu украшению Церкви правосла́вныя, / Святому Благоверному великому князю Александру Невскому, похвальная воспису́юще, / яко верою враги, видимыя же и невидимыя, победившему, / и в вере своей, по речению Апостолу, / добродетель, в добродетели же разум, / в разуме же воздержание, в воздержании же терпение, / в терпении же благочестие, братолюбие и любовь явившему, / со умилением и радостию возопиим: // радуйся, святы́й благоверный великий княже Александре.

## Икос 1

Со Ангелы и всеми Святыми предстоиши ныне Христу, блаженне Александре, моляся о любовью чтущих тя: темже, поминающе, яко измлада Христа возлюбив, к небесным духом прилепился еси, бесплотных подражав житию, убожаем тя, вопиюще:

**Радуйся, отрасли пречестная корене благочестіваго: / радуйся, благоверия предков наслéднице.**

**Радуйся, подражателю добродетелей отца боголюбіваго: / радуйся, кротости и благочестия матерняго преёмнице.**

**Радуйся, вождю к небесем стада своего Христоролюбіваго: / радуйся, в житии всех рабов Божиих друже и ревнителей благочестия собесéднице.**

**Радуйся, сопричастниче преподобных лика Богосвётлаго: / радуйся, веры Христовы непобедимый исповéднице.**

**Радуйся, волею мучениче, сликовствуяй ныне сонму мучеников добропобéдному. / Радуйся, действанный христианского упования и любве всем нам проповéднице.**

**Радуйся, ревнителю уставов и чина церковнаго благолéпнаго: / радуйся, верных чад Церкви и угодников Божиих сонаслéднице.**

**Радуйся, святы́й благовёрный / великий княже Алексáндре.**

## Кондак 2

Видевше лепоту лица и телеснаго возраста твоего, Новоградстии людие радовахуся и славляху Бога, взирающе на тя: мы же, поминающе светлейшия паче солнца добродетели твоя, блаженне Александре, прославившему тя Господеву поим: **Аллилуиа.**

## Икос 2

Разумел еси, богомудре Александре, яко преходит образ мира сего, едино же есть на потребу человеком, еже благоугодити Господеву: сего ради измлада от любве к миру и яже в мире уклонился еси, возделев же zde сущими стяжати небесная, яко верный раб, Господу во всем житии неленостно послужил еси. Темже вопием ти:

**Радуйся, подвижниче веры, угождение Богу паче всего предъизбра́вый: / радуйся, подобне Аврааму во всем житии непорочне пред Богом пожівый.**

**Радуйся, Исааково послушание показáвый: радуйся, путем Иаковля смиренномудрия ходівый.**

**Радуйся, Иосифову чистоту и целомудрие стяжáвый: радуйся, Моисеову любовь к людям своим в себе явівый.**

**Радуйся, якоже Самуил чиста себе от всякаго любостяжания соблюда́вый: радуйся, кротостию Давидовою враги своя победівый.**

**Радуйся, Петровой пламенной вере поревновáвый: радуйся, с Павлом игу Христову себе порабóтíвый.**

**Радуйся, богомудрие Иоанново подвигом поучения в слове Божиим сниска́вый:/ радуйся, многих Святых добродетели в себе совокупíвый.**

**Радуйся, святы́й благове́рный/ великий княже Алекса́ндре.**

### **Кондак 3**

Силою веры стяжал еси, блаженне Александре, высшее любомудрие, егоже ради презирая плоть, прилежал еси о души безсмертней: темже ублажающе тя, яко стяжавша ныне безсмертие, вопием прославившему тя Христу: Аллилуиа.

### **Икос 3**

Имеяй всегда пред очами своими Господа, трезвенно пожил еси, блаженне Александре, и вся яже творил еси, творя во славу Божию, угодил еси Богу, Емуже предстоиши ныне с лики от века угодивших: темже, радуясь о тебе, зовем ти:

**Радуйся, подвижнице истиннаго трезвénия:/ радуйся, любителю спасительного созерца́ния.**

**Радуйся, наставнице наш в подвиге от мира удалéния:/ радуйся, стяжателю совершеннаго дара бодрственнаго себе внимáния.**

**Радуйся, твердый противоборче всякаго безсловеснаго вожделéния:/ радуйся, добрый подвижнице благочестия, преуспевый в разуме и дея́нии.**

**Радуйся, яко силою молитвы препобедил еси диавольския искуше́ния:/ радуйся, яко себе от греха оградил еси последних воспоминáнием.**

**Радуйся, яко возлюбил еси душею еже о небесных помышлéние:/ радуйся, яко преуспел еси в неленостных, яже к Богу, молитвенных предстоящих.**

**Радуйся, яко все житие свое освящал еси непрестанным имене Божия призывáнием:/ радуйся, яко угождал еси Господеву всяким благоугождéнием.**

**Радуйся, святы́й благове́рный/ великий княже Алекса́ндре.**

### **Кондак 4**

Бури искушений воздвигоша врази и противу тебе, блаженне Александре. Ты же препобедил еси сия силою благодати Христовы: темже ныне к тихому пристанищу притек, с лики искушенных в мире, победивших же мир, вопиеша Христу: Аллилуиа.

### **Икос 4**

Слышав Павла глаголюща: всяк подвизаяся от всех воздержится, вся уметы вменил еси, блаженне Александре, да Христа приобрящеши: подвигами же отвержения себе и ко благим делом принуждения стяжал еси свободу славы чад Божиих: темже ублажающе тя, вопием ти таковая:

**Радуйся, образ отвержения себе нам показавый:/ радуйся, ношению креста в последовании Христу нас научивый.**

**Радуйся, плоть со страстьми и похотьми ея поправый:/ радуйся, житием твоим суету мира обличивый.**

**Радуйся, всякое пристрастие земное от себе отгнавый:/ радуйся, разум свой в послушание веры пленивый.**

**Радуйся, волею своею благое иго заповедей Христовых подъявый:/ радуйся, сердце свое от всякия страсти душевредныя чисто сохранивый.**

**Радуйся, сбе Богу всесовершенно предавый:/ Радуйся, чрез все житие свое Богу послуживый.**

**Радуйся, совершением заповедей любовь к себе Божию стяжавый:/ радуйся, наследие царствия благоугождением Богу уллучивый.**

**Радуйся, святой благоверный/ великий княже Александре.**

**Кондак 5**

Боготечною звездою прешел еси в мире, блаженне Александре, блистающь славою и добродетелию: темже ныне сияеши на небесех славою вечною с лики праведник, с ними же выну воспеваеши Христу: Аллилуиа.

**Икос 5**

Видевше тя, блаженне Александре, николиже во бранех побеждаема, всегда же побеждающа, невернии единого имени твоего устрашася: мы же поминающе исполненное веры мужество твое, ублажаем тя, глаголюще:

**Радуйся, доблестный в защиту веры и Церкви воителю:/ радуйся, своя земля мужественный защитителю.**

**Радуйся, наветов вражиих мудрый разорителю:/ радуйся, мира беспомощных сильный оградителю.**

**Радуйся, воинства Свейскаго на берегах Невских славный победителю:/ радуйся, безопасности всея северныя страны земли Российския охранителю.**

**Радуйся, злых козней иноверия, подвигших чуждую рать на землю нашу, разрушителю:/ радуйся, законов правды Богоукрепляемый утвердителю.**

**Радуйся, Пскова, отечества святых Ольги, свободителю:/ радуйся, ненавидевших мира умирителю.**

**Радуйся, буйства неустроенных в тья дни Литвы укротителю:/ радуйся, во всех сих бранех Христоролюбиваго воинства своего мудрый предводителю.**

**Радуйся, святой благоверный/ великий княже Александре.**

**Кондак 6**

Проповедника кротости и терпения явил еси себе блаженне Александре, последи преславных побед твоих: темже и стяжал еси сугубый венец от Царя Христа, Емуже предстоиши ныне, вопия: Аллилуиа.

**Икос 6**

Провозсиял еси, блаженне Александре, паче мужества, терпением твоим, его же стяжал еси, взирая на Начальника веры и Совершителя Иисуса, иже вместо предлежащая Ему радости претерпе крест: темже восхваляюще тя, усердно вопием:

**Радуйся, до конца в подвигах служения Богу претерпевый:/ радуйся, терпению Христову верно подражавый.**

**Радуйся, силу заповеди Христовы, яже о любви ко врагом, премудре уразумевый:/ радуйся, и согрешшим противу тебе избавленным тобою людям любовь истинную показавый.**

**Радуйся, во искушении от народа своего хитрость лукаваго прозревый:/ радуйся, мирным отбытием своим из земли своя, злобу врага поправый.**

**Радуйся, и во всем житии своем ухищрения сатаны проразумевый:/ радуйся, злое благим, по Апостолу, выну препобеждавый.**

**Радуйся, паки, в годину скорби, в помощь оскорбившему тя Новуграду предъуспевый:/ радуйся, сего ради пламенную любовь от народа своего себе снискавый.**

**Радуйся, Божия посещения, болезни и лишения со упованием терпевый:/ радуйся, сего ради светлый венец от Господа сияжавый.**

**Радуйся, святой благоверный/ великий княже Александре.**

**Кондак 7**

Хотяй провозсияти тебе всеми добродетельми блаженне Александре, Владыка Христос призвал есть тебе к служению людем своим во дни посещения: ты же притяжал еси к терпению смирение, егоже ради ныне превознесен еси, предстоя Богу с песнию: Аллилуиа.

**Икос 7**

Дивно бо видети, како непобедимый воитель смиренно преклоняет главу свою пред нверными, ихже посла Господь на люди своя ради грех их: диво же есть и воспомянути непобедимое смирение твое, блаженне Александре, имже и Господеви благоугодил еси, и люди своя спасл еси: темже благодарно вопием ти:

**Радуйся, подражателю Господня смирения:/ радуйся, учителю подобяющего Богопоставленным властем почитания.**

**Радуйся, противоборче всякаго превозношения:/ радуйся, подвижнике истиннаго послушания.**

**Радуйся, всем нам образе вернаго Богу служения./ Радуйся, начальствующим наставниче в богоприятном людем предстоянии.**

**Радуйся, подвластных руководителю в богозаповеданном предержащим властем повиновении:/ радуйся, яко многажды ради блага людей своих путешествовал еси к безбожным, ни во чтоже вменя яже от них испытания.**

**Радуйся, яко не утрашился еси, призвав Бога, приити к Батыеву, исполняя его веление./ Радуйся, яко многази воспринимал еси на себе ответ о неразумных народа своего возстаниях.**

**Радуйся, яко оградил еси люди твоя от зловернаго с неверными общения:/ радуйся, яко мудре оградил еси в земли своей отеческия доблести и предания.**

**Радуйся, святыи благоверный/ великий княже Александре.**

**Кондак 8**

Странническое житие прешел еси на земли, блаженне Алескандре, не ведый покоя в трудех своих и не имый зде пребывающаго града, но грядущаго взыскуай: сего ради ныне, блаженне, вселился еси в вечных обителех, выну поя Бога: Аллилуиа.

**Икос 8**

Всею душею послужив Господу, и всем житием своим благоугодив Ему, прославился еси благочестием, его же ради и исповедник явился еси веры Христоу, блаженне Александре: поминающе убо подвиг исповедничества твоего, вопием ти:

**Радуйся, злобы неверных не утрашивыйся:/ радуйся, твари паче Создавшаго не послуживый.**

**Радуйся, солнцу и огню в стане безбожных не поклонивыйся:/ радуйся, веру свою во искушении сохранивый.**

**Радуйся, велению безбожному не покоривыйся:/ радуйся, твердым проповедником веры пред неверными себе явивый.**

**Радуйся, с сугубою славою, по исповедании своем, в землю свою возвративыйся:/ радуйся, во всем житии верным вере отцев пребывый.**

**Радуйся, от лести иноверия премудре уклонивыйся:/ радуйся, лукавство проповедников лжеверия яве обличивый.**

**Радуйся, твердым защитником правоверия явивыйся. Радуйся, лжесловесие врагов православия словом здравым препобедивый.**

**Радуйся, святыи благоверный/ великий княже Александре.**

**Кондак 9**

Всего себе повинув Богу, яко раб благий и верный послужил еси Ему, блаженне Александре, паче сверстник твоих для земли своя потрудився: темже и внити сподобился еси в радость Господа своего, Емуже предстоиши ныне со Ангелы поя: Аллилуиа.

### **Икос 9**

Витийствующий язык не возмогл бы восхвалити дела твоя, блаженне Александре, яже совершил еси, полагая по братии душу свою: смиренно убо поминающе сиевая исправления твоя, умиленную песнь приносим ти, глаголюще:

**Радуйся, братолюбия Христианского преискренний ревнителью:/ радуйся, Моисеовы и Павловы любве ко братии подражателю.**

**Радуйся, заповедей Христовых, яже о любви верный исполнителью:/ радуйся, и всех нас в любви к присным дивный наставниче.**

**Радуйся, примером своим паче слова явивыйся стяжающихся о наследии братьих своих примирителю:/ радуйся, о благе народа усердно в житии своем пекийся.**

**Радуйся, общаго мира во днех своих устройтелю:/ радуйся, разгнаннаго страхом нашествий татарских народа своего собирателю.**

**Радуйся, беспомощных присный защитителю:/ радуйся, нищих алчущих питателю.**

**Радуйся, сырых сильный покровителю:/ радуйся, и ныне всех скорбящих и нуждающихся мощный пред Господем предстателю.**

**Радуйся, святой благоверный/ великий княже Александре.**

### **Кондак 10**

Спаси хотя душу свою, ведый же, яко не имущему любве к Богу никакими же подвигами и добродетельми уллучити спасение возможно есть, стяжал еси венец добродетелей, яже есть любовь к Богу. Емуже предстоя ныне, радостно вопиеша: Аллилуиа.

### **Икос 10**

Царя Небеснаго возлюбив от всего сердца твоего и от всея души твоя и всею мыслию твоею, принесл еси Ему, блаженне Александре, последи многообразных приношений веры и усердия, себе самага в жертву живу, святу, благоугодну; темже, уболажающе тя, вопием ти:

**Радуйся, в житии своем веми богоугодными делы Господеви послуживый:/ радуйся, обетами иночества святое житие свое увенчавый.**

**Радуйся, многи храмы Божии, безбожными разоренныя, обновивый./ Радуйся, к просиянию подвигов постничества обители святых созидавый.**

**Радуйся, подвизающихся в благочестии измлада ради Бога возлюбивый:/ радуйся, ангельский образ и себе чистою душею предызбравый.**

**Радуйся, в конец жития своего всего себе Богу освятивый./ Радуйся, принятием схимы, с новым именем Алексия, всесовершенно себе Богу предавый.**

**Радуйся, обетом девства чистоту сердца своего явивый:/ радуйся, обетом нестяжания высоту духа своего показавый.**

**Радуйся, обетом послушания всецелое служение свое единому Богу во веки утвердивый./ Радуйся, к венцем мудраго и благаго князя мзду инока притяжавый.**

**Радуйся, святой благоверный/ великий княже Александре.**

### **Кондак 11**

Пение погребальное слезами растворяется у гроба твоего, блаженне Александре: людие твоя плакахуся о тебе, солнце земли Русския, в полудни зашедшем, и рыдания прерываху умиленную песнь их к Богу: Аллилуиа.

**Икос 11**

Свет славы небесныя осия ты вскоре, блаженне Александре, утешая плачущия люди твоя: темже видяще при гробе твоём знамения и чудеса, сынове Российстии достойно призываху ты, яко в молитвах предстателя: мы же, поминающе скорое заступление твое, вопием ти:

**Радуйся, угодниче Божий, в самом погребении от Бога получивый прославление:/ радуйся, скорый предстателю наш, егоже призваху отцы наши в нуждах и озлоблениих.**

**Радуйся, в борьбе с татарами явивый князю Димитрию Донскому вспоможение:/ радуйся, исходаивый Царю Иоанну на Казанцы одоление.**

**Радуйся, всем подающий многообразныя изцеления:/ радуйся, слепым возвращаяй молитвою твоею зрение.**

**Радуйся, хромым, припадающим ко гробу твоему, даруяй хождение./ Радуйся, расслабленных врачуя неможение.**

**Радуйся, одержимым от бесов подаваяй освобождение./ Радуйся, безнажежных оживляяй надеждою спасения.**

**Радуйся, в погубльших разум возставляяй разумение:/ радуйся, присно источаяй от гроба своего многообразныя чудотворения.**

**Радуйся, святыи благоверный/ великий княже Александре.**

**Кондак 12**

Благодать познавше, живущую в нетленных мощех твоих, людие Владимирстии с любовию прихождаху ко святей раце твоей, и, радостно лобызающе ю, славяху о тебе Бога, прославляющаго Святыя своя, со умилением вопиюще Ему: Аллилуиа.

**Икос 12**

Поюще добродетели и чудеса твоя, радостию сретаху и провождаху отцы наши святыя мощи твоя, волею Императора Петра Великаго преселяхуся на новое место покоища в царствующем Святаго Петра граде: и мы ныне, радующиеся о небесной славе твоей и обитании мощей твоих в граде нашем, со оными вопием ти:

**Радуйся, Российстий Иосифе, преселивыйся на новое место упокоения:/ радуйся, всех концов земли Российстия покровителю.**

**Радуйся, Петрова града благонадежное утверждение:/ радуйся, града нашего небесный защитителю.**

**Радуйся, северныя столицы неоцененное украшение./ Радуйся, славо и утверждение тезоименитыя тебе обители.**

**Радуйся, подаваяй молитвами твоими здравие же и спасение:/ радуйся, всех обитателей града нашего богомудрый учителю.**

**Радуйся, иноком, яко инок, преподаваяй полезное примером жизни своя наставление./ Радуйся, мирстим людем, яко в мире потрудивыйся, к добробетелем общежития руководителю.**

**Радуйся, нетлением своим подаваяй всем нам надежду воскресения:/ радуйся, всех нас в напастех и скорбех поборниче, хранителю и свободителю.**

**Радуйся, святыи благоверный/ великий княже Александре.**

**Кондак 13**

О, святыи благоверный великий княже Александре! От благоговейных сердец приносимую ти, аще и недостойную, хвалебную песнь сию, прими от нас яко усердную жертву сердец, любящих ты и ублажающих святую память твою. Охраняй всех нас молитвами твоими: огради ходатайствы твоими град твой, и вся люди земли Российстия, да тихое и безмолвное житие пожив в нынешнем веце, блаженство вечное наследим, и купно с тобою и всеми Святыми выну сподобимся воспевати Богу: Аллилуиа.

*(Этот кондак читается трижды, затем икос 1 и кондак 1).*

## **МОЛИТВА**

### **Святому Благоверному Великому Князю Александру Невскому**

*(в схимонасах Алексию)*

Скорый помощниче всех усердно к тебе прибегающих, и теплый наш пред Господем предстателю, святыи благоверный великий княже Александре! призри милостивно на ны недостойныя, многими беззаконми непотребны себе сотворившия, к раце мощей твоих ныне притекающия и из глубины души взывающия: ты в житии своем ревнитель и защитник православныя веры был еси, и нас в ней теплыми твоими к Богу молитвами непоколебимы утверди. Ты великое возложенное на тя служение тщательно проходил еси, и нас твоею помощию пребывати коегождо, в неже призван еси, настави. Ты, победив полки супостатов, от пределов Российских отгнал еси, и на нас ополчающихся всех видимых и невидимых врагов низложи. Ты, оставив тленный венец царства земнаго, избрал еси безмолвное житие, и ныне, праведно венцем нетленным увенчанный, на небесах царствующи, исходатайствуй и нам, смиренно молим тя, житие тихое и безмятежное, и к вечному Царствию Божию шествие неуклонное устрой нам. Предстоя же со всеми святыми престолу Божию, молися о всех православных христианах, да сохранит их Господь Бог Своею благодатию в мире, здравии, долгоденствии и всяцем благополучии в должайшая лета, да присно славим и благословим Бога, в Троице Святей славимаго, Отца и Сына и Святаго Духа, ныне и присно и во веки веков. Аминь.

***Источник: «Акафист святому благоверному великому князю Александру Невскому (в иноцах Алексию)». Ленинградская митрополия. 1990г.***

.....